



Index Librorvm Prohibitorvm Alexandri VII

Alexander

Romae, 1667

XXII. Sanctæ Inquisitionis. Feria v. die 12. Iunij, Anno à Nativitate Domini
Nostri Iesv Christi, M.DC.XX.

[urn:nbn:de:hbz:466:1-81440](https://nbn-resolving.org/urn:nbn:de:hbz:466:1-81440)

habere, ac si deceret Virgilius *Aeneas*, &c.

Secundo, pag. 7. vers. (addo) corrigatur in hunc modum, *Addo etiam difficilius non esse contento & locato, quod est Terra, motum adscribere, quam continenti.*

Tertio, ead. pag. in fin. cap. vers. *vides*, delendus est usque ad finem capitis.

In cap. 9. pag. 7. Principium huius capitis usque ad versiculum (*quod enim*) ita corrige. *Cum igitur terram moveri assumpserim, videndum nunc arbitror, an etiam illi plures possint convenire motus, quod enim, &c.*

In cap. 10. pag. 9. Versiculum (*proinde*) corrige sic, *proinde non pudet nos assumere. Et paulò infra ibi (hoc potius in mobilitate Terra verificari) corrige, hoc consequenter in mobilitate Terra verificari.*

Pag. 10. in fin. cap. dele illa verba postrema (*tanta nimirum est diuina hæc D. O. M. fabrica*)

In cap. 11. Titulus capitis accommodetur hoc modo. *De hypothesi triplicis motus Terra, eiusque demonstratione.*

In lib. 4. cap. 20. pag. 122. In titulo capitis dele verba (*horum trium siderum*) Dat. Romæ 1620.

Fr. Franciscus Magdalenus Capiferreus Ordinis Præd. Sacrae Congreg. Indicis Secret.

XXII.

SANCTÆ INQUISITIONIS.

Feria v. die 12. Iunij, Anno à Nativitate Domini Nostri
IESV Christi, M. DC. XX.

In generali Congregatione S. Rom. & Vniuersalis Inquisitionis, habita in Palatio Apostolico in Monte Quirinali, coram Sanctissimo D. Nostro PAVLO Divina
Providentia Papa QUINTO.

SANCTISSIMVS D. N. Paulus, Divina providentia Papa Quintus, ut erroribus, qui in Librorum Impressione obrepere, & committi solent via penitus occludatur, opportuno remedio providere volens, in hærendo Sac. Concilio Lateranen. sub Leone Decimo, sess. 10. Et regulis Indicis Librorum Prohibitorum iussu Concilij Tridentini editi à fel. rec. Pio Quarto, & deinde à Clemente Octavo Summis Pontificibus prædecessoribus suis approbatis, & confirmatis; re etiam cum Illustrissimis, & Reverendissimis DD. Cardinalibus Congregationis S. Officij communicata, & maturè perpensa, motu proprio, ex certa scientia, & mera deliberatione, declaravit & decrevit, ut non solum in hac Alma Vrbe Roma à Vicario Sanctitatis Sux, & à Magistro Sacri Palatii Apostolici iuxta eiusdem Concilij Decretum, omnes Libri, & quæcunque aliæ Scripturæ imprimendæ examinari, & approbari debeant antequam imprimantur, sed etiam in tota Romana Prouincia huiusmodi examinatio, & approbatio accuratè fiat ab Episcopo loci impressionis, vel alio de eiusdem Episcopi mandato, ac ab eodem Sacri Palatii Apostolici Magistro ad id specialiter deputato à prædicta Congregatione Sancti Officij, ad quem simul, & ad Episcopos locorum eiusdem Romanæ Prouinciæ in quibus non sunt Inquisitores, Sanctitas Sua totum hoc impressionis Librorum, & aliarum Scripturarum negotium in eadem Prouincia Romana spectare voluit, & declaravit. Mandans insuper Sanctitas Sua, ut eadem Sacra Congregatio in dicta Romana Prouincia omnia, & singula in prædictis Indicis regulis contenta, exactè obseruari curet, & faciat. Inhibens propterea Vniuersis, & singulis Librorum Impressoribus, ac Bibliopolis sub Censuris, & pœnis in dicta Constitutione fel. record. Leonis X. & in prædictis regulis Indicis contentis, eo ipso absque vlla declaratione incurrendis, alijsque arbitrio eiusdem Sacrae Congregationis, etiam corporis afflictivis pœnis, ne in dicta Prouincia Romana Libros, & Scripturas, antequam ab Episcopo loci, seu alio de eiusdem Episcopi mandato, & præterea à prædicto Sacri Palatii Apostolici Magistro

dd 2

examinatæ,

examinata, & approbata fuerint, quoque modo imprimere, aut venales habere, seu proponere audeant, *vel* præsumant; In contrarium facientibus non obstantibus quibuscunque. Et ita mandauit perpetuis futuris temporibus inuolabiliter obseruari. Voluit demum, ne præmissorum ignorantia à quoquam prætendi possit quod præsens Decretum, seu illius Exempla ad Valuas Basilicæ Principis Apostolorum de Vrbe, ac in acie Campi Floræ affixa, omnes ita arceant, & afficiant perinde, ac si vnicuique personaliter intimata fuissent; quodque præsentium transumptis etiam impressis manu Notarij publici subscriptis, & sigillo alicuius personæ in dignitate Ecclesiastica constitutæ munitis eadem prorsus fides adhibeatur, quæ præsentibus adhiberetur si forent exhibita, *vel* ostensa.

Andreas de Pettinis Sanctæ Romanæ, & Vniuersalis Inquisitionis Not.

XXIII.

SACRÆ CONGREGATIONIS INDICIS.

LIBROS omnes infra scriptos continentes varias hæreses, atque errores. S. Congreg. Illustriss. DD. S. R. E. Cardinalium ad Indicem Deputatorum, præsent. Decreto damnat, ac prohibet. Mandans singulis cuiuscunque gradus, & conditionis sub pœnis in Indice Librorum prohibitorum contentis, vt eos in posterum imprimere, legere, *vel* quomodocunque apud se detinere, minimè audeant: sed illos omnes exhibuerint, statim à præsentis Decreti notitia, locorum Ordinarijs, seu Inquisitoribus exhibere teneantur.

Andræ Claudij, Ad Illustr. Tit. Digest. & Codicis; De conditione, ob Turpem, *vel* iniustam causam, Commentarius.

Annotationes Latinæ, quæ sunt in fine Octauæ Tomi Operum S. Ioannis Chrysost. Idiomate Græco in Anglia impressorum.

Anfaldi Cebà Historia Hester, *metricè conscripta*. Suspensa.

L'Anti-Cotone.

Libellus quamplurimis, conspersus erroribus ignoti cuiusdam Antonij Possuini, non quidem illius è Societate Iesu, nec alterius Antonij Iunioris eius Nepotis, cui titulus: Lettera di Antonio Possuino, nella quale si sforza di prouare che i Libri, che si leggono di sotto il nome di Dionygi Areopagita, siano di quello che fu discepolo di S. Paolo: Con la refutatione delle sue ragioni.

Appellatio Thomæ Præstonis, & Thomæ Grænei Anglorum, ab Illustrissimis Cardinalibus ad Indicem Deputatis, ad Papam.

Bernardini Corij Historia Mediolanen. *Non permittatur nisi correctæ*.

Cælij Malespinæi Nouellæ.

Christophori Besoldi Templum Iustitiæ, *sive* de addiscenda, & exercenda Iuris prudentia, Dissertatio.

Chronicon Portense, duobus Libris distinctum, &c. Opera, & studio M. Iuliani Pertuchij Tenstadiensis.

Cyriaci Herdensiani de Periurio, eiusque differentijs, & effectibus, repetitio.

Claudij Rhangolij Ordinis Minimorum: Commentaria in Libros Regum.

Collegium Politico-Iuridicum, continens omnium generalium Politicarum materiarum breuem, methodicam, & perspicuam Propositionem, &c. Proponente, & Præfidente, Io. Henslero.

Liber cui titulus; Confessione di Fede Cattolica & Apostolica, fatta di commun accordo, secondo la dottrina dell'Euangelio di Nostro Sig. GIESV Christo: Aggiunroui vn breue Discorso della vtilità di leggere, & studiare la Scrittura, in questi vicini miserabili Templi, oue siamo.

Conradi à Liechtenau, Abbatis Vrspergensis, Chronicon Argenterati impressum. Prohibita omnes eius impressiones, Etiam noua hæc Argenterati habita. Nisi inde emotis duabus Epistolis in laudem Hæreticorum. Paralipomenon iam antea prohibitum, &c. alius

INDICES
Librorum
PROHIBITORUM
E. V.
= 4.